

Don Miguel Piñeiro Souto, Secretario do Concello de Carballo - A Coruña

CERTIFICO:

Que o Pleno da Corporación Municipal, en sesión Ordinaria celebrada en data luns 28 de novembro de 2022 adoptou, entre outros, o seguinte acordo:

"5.- ANEXO DE EXPROPIACIÓNS DO PROXECTO CONSTRUTIVO "DEMOLICIÓN DE EDIFICACIÓN, REMODELACIÓN DE PONTE E CREACIÓN DUNHA CANLE DE AUGAS ALTAS NA RÚA DO SOL EN CARBALLO. EXPEDIENTE 2022/U040/000001. APROBACIÓN INICIAL. (CIFECRIC DE 22/11/2022)."

Sometido o asunto a votación, o Pleno municipal por unanimidade dos membros presentes (20), polo grupo municipal do BNG (11), Milagros Lantes Seara, Juan Manuel Seoane Collazo, Marcos José Trigo Facal, Xosé Regueira Varela, María del Carmen Ures García, Maruxa Suárez Cotelo, M^a Mar Eirís Villar, Iván Andrade Tasende, Miguel Ángel Vales Mallo, e Luis María Lamas Álvarez; polo grupo municipal do PP (4), José Antonio Domínguez Pallas, Rubén Lorenzo Gómez, Paula Nogueira Costa e María Beatriz Neira Varela; polo grupo municipal do PSdG-PSOE (3), María Carmen Vila Blanco, Valentín Costa Trillo e César Fernando Varela Novo, e polo grupo municipal de TEGA (2), José Bello Pallas e Andrés Eirís Barca, acorda:

Primeiro.- Aprobar inicialmente o anexo de expropiacións para a obtención dos terreos que se consideran necesarios para a execución da obra hidráulica prevista no proxecto construtivo aprobado por Augas de Galicia o 22 de setembro de 2022 "DEMOLICIÓN DE EDIFICACIÓN, REMODELACIÓN DE PONTE E CREACIÓN DUNHA CANLE DE AUGAS ALTAS NA RÚA SOL, CARBALLO (A CORUÑA)", segundo o documento redactado pola entidade Estudio Técnico Gallego, S.A. e asinado pola enxeñeira técnico agrícola Beatriz Blanco Lois (n^o colexiada 1.909).

Segundo.- Ter por declarada a utilidade pública e a necesidade de urxente ocupación dos bens e dereitos afectados pola obra hidráulica prevista no proxecto "DEMOLICIÓN DE EDIFICACIÓN, REMODELACIÓN DE PONTE E CREACIÓN DUNHA CANLE DE AUGAS ALTAS NA RÚA SOL, CARBALLO (A CORUÑA)", formulada como unha actuación prioritaria fronte ás inundacións e, de xeito específico, aumentar a capacidade de desaugue substituíndo a ponte actual e creando unha canle de augas altas, que actúa como by-pass en época de avenidas protexendo a vila de Carballo fronte as inundacións, de conformidade co disposto nos artigos 28 e 29, e na disposición adicional oitava, da Lei 9/2010, do 4 de novembro, de Augas de Galicia.

Terceiro.- Someter á información pública o proxecto da obra e o anexo de expropiacións por prazo de 20 días, mediante a publicación de anuncios, no taboleiro municipal, no Diario Oficial de Galicia, no Boletín Oficial da Provincia e en dous diarios da provincia, para que aquelas persoas que puideran resultar interesadas formulen as observacións e reclamacións que estimen convenientes, co fin de rectificar posibles erros da relación publicada ou opoñerse, por razóns de fondo ou forma, á necesidade da ocupación. Neste caso, indicará os motivos polos que deba considerarse preferente a ocupación doutros bens ou a adquisición doutros dereitos distintos e non comprendidos na relación, como máis conveniente ao fin que se persigue.

Cuarto.- Formular e aprobar inicialmente a seguinte relación de bens e dereitos afectados que figura no anexo de expropiacións indicado.

RELACIÓN BENS E DEREITOS AFECTADOS									
Nº FINCA	TITULAR	REF. CATASTRAL	D.N.I.	CLASIFICACIÓN URBANÍSTICA	SITUACIÓN BÁSICA DO SOLO	DESTINO	SUP. TOTAL (m2)	SUP. AFECTADA (m2) PLENO DOMINIO	OUTROS BENS E DEREITOS AFECTADOS
1	CONCELLO DE CARBALLO	5443707NH2854S0001RF		SOLO RÚSTICO	RURAL	CONSTRUCCIÓN	385,00	385,00	
2	ARBOLANDIA S.L.	5543611NH2854S0001QF	B1579****	SOLO RÚSTICO	RURAL	CONSTRUCCIÓN	573,00	216,00	

Quinto.- Notificar a relación de bens e dereitos afectados individualmente ás persoas que aparezan como titulares de bens ou dereitos no expediente, para que poidan formular alegacións no prazo de 20 días, a contar do seguinte á data de notificación.

Sexto.- Requirir aos interesados titulares de bens e dereitos afectados para que acheguen os títulos que os acrediten como propietarios das mesmas. Advertindo que a publicación deste acordo producirá tamén os efectos previstos no artigo 44 da Lei 39/2015, do procedemento administrativo común das administracións públicas."

E para que conste, para os efectos oportunos expido o presente certificado coa reserva establecida no art. 206 do R.O.F., de orde e co visto e prace do Sr. Alcalde, en Carballo, asinado dixitalmente na data que figura na marxe.

V. e Pr.
O alcalde